



JABATAN PERKHIDMATAN VETERINAR MALAYSIA

LAPORAN LIPUTAN MEDIA

Isnin, 18 April 2022	
1.	Tutup operasi ladang babi langgar syarat lesen
2	Pinjam duit kawan beli ayam RM5
3	SAM gesa tindakan tegas tangani isu penternak babi abai peraturan

DISEDIAKAN OLEH:

**SEKSYEN KOMUNIKASI KORPORAT
JABATAN PERKHIDMATAN VETERINAR MALAYSIA**

SAM sokong kerajaan Pulau Pinang bertegas terhadap penternak yang ingkar

Oleh SYAJARATULHUDA MOHD ROSLI

GEORGETOWN

Sahabat Alam Malaysia (SAM) menyokong dan menyambut baik tindakan Kerajaan terhadap pengusaha ladang babi yang tidak mematuhi Enakmen Penternakan Babi 2016 sehingga menyebabkan berlakunya pencemaran bau dan sumber air tercemar.

Presidennya, Meenakshi Raman berkata, pihaknya menyokong langkah yang diambil iaitu menutup operasi dan merobohkan ladang-ladang yang tidak mematuhi syarat-syarat lesen.

Menurutnya, langkah itu dilihat paling berkesan bagi menyelesaikan masalah pencemaran

alam sekitar yang berpunca daripada ladang babi.

"Bermula Januari tahun ini, kerajaan negeri akan menutup operasi dan merobohkan ladang-ladang yang tidak mematuhi syarat-syarat lesen. Kita amat menyokong langkah ini," katanya dalam satu kenyataan pada Ahad.

Katanya, kenyataan yang dikeluarkan Exco Agroteknologi dan Keselamatan Makanan, Pembangunan Luar Bandar serta Kesihatan, Dr Norlela Ariffin pada 11 April lalu tentang kebersihan sungai harus dipandang serius.

"Beliau mengatakan antara kriteria utama yang perlu dipatuhi oleh pengusaha ladang adalah kandang mestilah tertutup dan mempunyai pengurusan sisa kumbahan ladang. Beliau juga



Keadaan sungai yang tercemar disebabkan oleh pembuangan sisa daripada kandang babi.

menyatakan ramai pengusaha yang tidak ambil peduli tentang syarat ini.

"Hasil tinjauan SAM sebelum ini mendapati, ada kalangan pengusaha ladang babi tanpa rasa bersalah melepaskan

sisa kumbahan yang tidak terawat ke dalam saliran sedia ada sehingga mengeluarkan bau yang tidak menyenangkan," katanya.

Sehubungan itu, SAM menggesa pihak berkuasa berkenaan antaranya Jabatan Perkhidmatan

Veterinar (JPV); Jabatan Alam Sekitar (JAS), Majlis Bandaraya Seberang Perai (MBSP) dan Majlis Bandaraya Pulau Pinang (MBPP) bertindak tegas terhadap penternak babi yang tidak mematuhi undang-undang.

Pinjam duit kawan beli ayam RM5 seekor

BERA - Jualan murah semarak Ramadan di Pasar Raya CoopMart-KopBera di sini mendapat sambutan luar biasa apabila penduduk sekitar bertindak 'menyerbu' pasar raya itu selepas dirasmikan Perdana Menteri, Datuk Seri Ismail Sabri Yaakob semalam.

Tinjauan Kosmo! mendapati, orang ramai sanggup menunggu sejak awal pagi untuk membeli barangan keperluan termasuk ayam RM5 seekor dan RM15 bagi minyak masak lima kilogram.

Seorang penduduk, S. Prema, 41, berkata, dia sanggup meminjam duit rakannya bagi membeli ayam berharga RM5 seekor.

"Hari ini (semalam) kalau ikutkan saya tidak cukup wang untuk membeli barang tetapi rasa rugi pula kerana barangan tersebut murah.

"Peluang untuk mendapatkan ayam yang pada harga RM5 sahaja seekor bukan senang dan sangat jarang berlaku," katanya.

Tambahnya, dia berharap pasar raya berkenaan dapat

terus menjual barangan pada harga yang murah kerana ia sangat membantu terutama bagi golongan yang berpendapatan rendah.

Dalam pada itu, seorang lagi pelanggan, Naemah Md. Lela, 47, melahirkan rasa teruja selepas dapat berjimat dengan membeli barangan keperluan pada harga lebih murah berbanding kebiasaan.

"Saya sudah tunggu di hadapan kedai ini dari pukul 9 pagi lagi untuk mendapatkan ayam dan minyak pada harga murah dan Alhamdulillah, dapat juga saya beli dan ia sangat berbaloi," ujarnya.

Bagi Mat Yusof Mohamad, 66, dia membeli tiga botol minyak masak dengan berat lima kilogram sebagai bekalan untuk menyambut Aidilfitri.

"Sebagai penduduk Bera, saya anggap ini rezeki kami kerana berpeluang membeli barangan keperluan pada harga murah tambahan pula tahun ini dapat beraya bersama keluarga selepas dua tahun tidak dapat beraya kerana pandemik," ujarnya.



ORANG ramai tidak melepaskan peluang membeli ayam berharga RM5 seekor di Pasar Raya Coop Mart-KopBera, Bera semalam.

SAM gesa tindakan tegas tangani isu penternak babi abai peraturan

Georgetown: Sahabat Alam Malaysia (SAM) gesa pihak berkuasa tempatan (PBT) dan agensi berkaitan di Pulau Pinang bertindak tegas terhadap penternak babi yang tidak mematuhi undang-undang.

Ia susulan pengumuman kerajaan negeri mengenai

tindakan tegas terhadap pengusaha ladang babi yang tidak mematuhi Enakmen Penternakan Babi 2016 sehingga menyebabkan berlakunya pencemaran bau dan sumber air tercemar.

Sehubungan itu Jabatan Perkhidmatan Veterinar, Jabatan Alam Sekitar (JAS),

Majlis Bandaraya Seberang Perai (MBSP) dan Majlis Bandaraya Pulau Pinang (MBPP) perlu lebih tegas terhadap penternak babi terbabit.

Presiden SAM Meenakshi Raman berkata, bermula Januari lalu, dilaporkan kerajaan negeri akan menutup operasi dan merobohkan la-

dang yang tidak mematuhi syarat lesen.

"Langkah berkenaan adalah paling berkesan bagi menyelesaikan masalah pencemaran alam sekitar dari ladang babi.

"Selain mencemar parit, sungai, laut serta persekitaran kawasan, operasi la-

dang babi yang melanggar peraturan menyebabkan kausau ganggu kepada penduduk dan orang awam," katanya.

Terdahulu, Exco Agroteknologi dan Keselamatan Makanan, Pembangunan Luar Bandar serta Kesihatan, Dr Norlela Ariffin, menerusi

kenyataan pada 11 April lalu berkata antara kriteria utama yang perlu dipatuhi pengusaha ladang ialah kandang mestilah tertutup dan mempunyai pengurusan sisa kumbahan ladang.

Namun, katanya, ramai pengusaha yang tidak ambil peduli tentang syarat itu.